

民國四年季夏

算
秋
集

茂苑田慰農書齋

買愁集

卷之上

想書小序一則

建和紀事附綏山主人謝史詠

無名氏

玉樹流光

陳後主

初日看婚

楊師已

憶來時

沈約

花非花

白居易

早蓮生

韓偓

後生緣

關元公

羅襪仙子

附

無名

西灣別

唐人

蘇州夢

韋應物

絕句可思

唐人

昇平宮主詩人

李端叔

春風湖上亭

戎昱

夜分花下

呂溫

干越尼子

劉長卿

蕭郎醉

無名

笑裡心

裴誠

郊外結柳

周德華

筵中美人

李羣玉

盧園

無名

洛陽野廟

李羣玉

三載餘香

無名

內史才艷

張泌

去時香

李端叔

十四五

歐陽修

望湖亭

王觀

晴日園林

邵鴻舉

不須金

張文潛

滿天梅雨

王明之

多半空房

孟淑卿

下幃跌坐

朱淑真

別郎易

魏夫人

道河亭

無名

披香閣址玉牌

楊載

小小年華

辛幼安

襄王夢

張子厚

一夜梅花

張子厚

霜月黃昏

康伯可

憶你傷我

許左之

梅村雪店

劉改之

山兒水兒

劉招山

南柯子綺羅香

無名

門前一樹花

無名

杏花東

無名

紅袖高樓

無名

朗軒

慧姑

吳娃

黃華

最難忘

無名

圖貌

王繼學

鶯聲急

張仲舉

梅子墻頭

劉庭信

春愁澆酒

蔣捷

城頭啼鳥

鄭思肖

事事可可

柳耆卿

重門鎖

無名

催人別

程書舟

小玉

竇梁賓

秦樓

無名

不留儂

金海陵

西廂紅樹

趙宜之

春滿樓臺

無名

閨情一半兒

王和卿

斷腸人

王實甫

春情一半兒

關漢卿

人在天涯

馬東籬

窗外

鄭德輝

趕應舉

白仁甫

秋宮一半兒

張小山

美人一半兒

陳克明

黃華女

無名

芙蓉亭

張安期

王筠甫家妓

蔡君謨

趕蝶

無名

四季宮人

薩天錫

眉譜

無名

比紅兒

無名

崔娘

無名

裴航仙子

無名

繡幙燈

無名

推枕夢

無名

卜得

無名

閑門

張尚禮

揚子津

高啟

守宮

楊胤勣

商人婦

聶大年

西河箕

馬鶴窗

妾獨自

張妙靜

相思地

楊慎

橫塘一拍

無名

詩有可誦

沈行

藥名附石天數目詩

無名

蘇小墓附綏山主人題詞

無名

洞庭橘井

田子秋

芙蓉鏡

湯卿謀

瓊章

沈君卿

彈鶯

湯卿謀

垂楊曲巷

吳耳淵

鬪草罵

湯卿謀

郎不如卿

袁宏道

梨花夢

董無益

郎去來附莊所願子夜歌

卓珂月

伊人思引

葉紹袁

彤奩續此引

士女表

葉紹袁

曹含齋



買愁集

綏山主人錢尚濠振芝輯

愛日居士顧夏聲宣大閱

一集想書

愁思縈如落絮凡心不肯粘泥杜鵑喚醒行人夢夢來何處蝴蝶飛殘別
院春春在誰家秋風薜荔雲迷楚國三閭曉市鶯花酒醒揚州十里薰爐
鎮日縈絲篆忘不了四愁詩虛幌無人背小樓忽提起十年事集想書

秘辛云建和中保林吳姁以詔下中常侍超超詣故大將軍乘氏忠侯商第第
內謹譟食時商女瑩從中閣秘步到寢姁與超如詔書周視動止俱合法相
超留外舍姁以詔書如瑩燕處屏斥接待閉中閣子時日晷薄辰穿照蜃牕
光送着瑩面上如朝霞和雪艷射不能正視目波澄鮮眉嫵連卷朱口皓齒
修耳懸鼻輔靨頤頤位置均適姁尋脫瑩步搔伸髻度髮黝髹可鑒圍手八
盤墜地加半握已乞緩私小結束瑩面發頰抵欄姁告瑩曰官家重禮借見
朽落緩此結束當加鞠翟耳瑩泣數行下閉目轉面內向姁為手援捧着日
光芳氣噴襲肌理膩潔拊不留手規前方後築脂刻玉胷乳菽發臍容半寸

許珠私處墳起為展兩股陰溝渥丹火齊欲吐此守禮謹嚴處女也 此書
出自六朝手筆字敲珠艷句落蘅香凡一展卷無不徘徊心動綏山主人讀
史詠云銀筆裁來墨幾行芙蓉粉上玩新妝燈前催夢婷婷影悵底呼魂渺
渺香百艷再來生倩女一花幻出小昭陽風情公案知多少倩得書生作媚
孃

後主于清樂苑中與諸詞臣造樂府以綺艷相高極于輕蕩玉樹曲云麗宇芳
林對高閣新妝艷質本傾城映戶凝嬌乍不進出帷含態笑相迎妖姬臉似
花含露玉樹流光照後庭

楊師已初日看婚詩云洛陽花燭動戚里盡新蛾隱扇羞應慣含情愁已多輕
啼濕紅粉微睇轉橫波更笑巫山曲空傳雲雨過

沈約六憶詞云憶來時灼灼上堦墀勤勤敘離別慊慊道相思相看常不足相
見乃忘饑憶坐時黯黯羅帳前或歌四五曲或弄兩三絃笑時應莫比嗔時
更可憐憶眠時人眠強未眠解羅不待歡就枕更須牽復恐傍人見嬌羞在燭
前

白樂天詞云花非花霧非霧夜半來天明去來如春夢不多時去似朝雲無覓

處

韓偓香奩詩云千金莫惜早蓮生一笑從教下蔡傾仙樹有花難問種御香聞
氣不知名愁來自覺歌喉咽瘦去誰憐舞掌輕小疊紅牋書恨字與奴方便
寄卿卿

詩始於三百篇而國風句句作情語莫盛於唐而唐士人擬格按律作一
情語悶悶不敢出聲韓子何人破藩決籬如此非情人直是古人

開元中頒賜邊軍纈衣皆製自宮人有兵士於衣中得詩云沙場征戍客寒苦
若為眠戰袍經手製知落阿誰邊蓄意多添線含情更著綿今生已過也再
結後生緣

此等詩鬚眉能作一字否詩本於情信然信然

貞觀中一士人於慈恩寺召仙有仙自稱羅襪仙子下壇詩云隔簾燒燭爛如
銀隱映繁星出絳濱獨韻三山鶴背笛吹殘人世幾紅塵問仙是何出處云
名登桂籍家住桃源塵緣未斷還到人間又云妾有遊清詞可記憶也詞云
青裙卸却下瑤臺一卷瑯函手自裁何事白雲封不住夜深飛墮碧龕來一
青霓自剪舊時衣一路寒山夢不迷堪笑銀頭雙纈子人間還作鳳凰飛二

松門斜徑鎖烟霞舊是嬌龍小鳳家近日麻姑書信至青童遍掃石床花三
移過雙橋白玉錢夢迴明月墮香鈿窗間一寸眉痕裡常帶烟霞小有天四
石天曰人天俱在慾界中予不幸生於人界奈無緣乘鳳空歌牧犢何意
者桃花半面其在金雞洞口綠玉田間乎作無題云海底塵生曉未揚三
珠春影拂扶桑安期手摘雞心果萼綠鬟輸鹿角漿花死不隨明月莖燕
來密與好風商依稀夢冷仙姝廟裡底微聞帶露香

古楊柳詞云茂姑葉爛別西灣蓮子開時猶未還妾夢不離江水上人傳郎在
鳳凰山

韋應物於杜鴻漸席上見二妓侑觴醉吟一絕云高髻雲鬟宮樣妝春風一曲
杜韋娘司空見慣渾閒事惱斷蘇州刺史腸後二年之京宿邸中夢見前二
妓執板侑觴和前詞云花作嬋娟玉作妝風流爭似舊徐娘夜深曲曲灣灣
月萬里隨君一寸腸

古絕句有可思者五首一云莫作商人婦金釵當卜錢朝朝江口望錯認幾人
船又云不喜秦淮水生憎江上船載兒夫婿去經歲又經年又君家住何處
妾住在橫塘停船試相問或恐是同鄉又打起黃鶯兒莫教枝上啼啼時驚

妾夢不得到遼西。又高高。明月出照此誰家樓。上有羅衣裳。涼風吹不休。

昇平公主有才思。喜詩人李端。宴中呈詩云。青春都尉最風流。二十功成便拜侯。金距鬪雞過上苑。玉鞭騎馬出長秋。薰香荀令偏憐少。傅粉何郎不解愁。日暮吹簫楊柳陌。路人遙指鳳凰樓。又賦錢字韻詩云。初月如鉤未上弦。方塘似鏡草芊芊。新開金埒教調馬。舊賜銅山許鑄錢。楊柳入樓吹玉笛。芙蓉出水妬花鈿。今朝都尉如相許。願脫長裾學少年。

戎昱刺浙郡。郡有妓美艷。善歌。昱種愛之一日。韓晉公召置籍中。昱作詩送之云。好去春風湖上亭。柳條藤蔓繫人情。黃鸝久住渾相識。欲別頻啼三兩聲。呂溫守道州。每當春時與段洪古。竟日微吟花下。或花落必灑淚。酹酒送之。一日牡丹將謝。溫對花徘徊至夜分。猶秉燭因寄古詩云。盡日看花君不來。江城半夜為君開。樓中共指南園火。紅燼隨花落碧苔。

劉長卿有贈于越尼子歌云。鄱陽女子年十五。家本秦人今在楚。嚴向春江空浣紗。龍宮落髮披袈裟。五年持戒長一食。至今猶自顏如花。亭亭獨立青蓮下。忍草禪枝繞精舍。自用黃金買地居。能嫌碧玉隨人嫁。北客相逢疑姓秦。鉛華拋却仍青春。一花一竹如有意。不語不笑能留人。黃鸝欲棲白日暮。天

香未盡經行處却對香爐閑誦經春泉漱玉寒冷冷雲房寂寂夜鐘發吳音
清切令人聽人聽吳音歌一曲杳然如在諸天宿誰堪世事又相牽惆悵回
船江水綠

初學記閨情詩云檻外鴝兒吠知是蕭郎至剗襪下香階冤家今夜醉扶得入
羅幃不肯脫羅衣醉則猶他醉猶勝獨宿時

裴誠作南詞子詞云不是厨中串爭知炙裡心井邊銀釧落展轉恨還深一不
信長相憶擡頭問取天風吹荷葉落無夜不搖蓮二簪蠟為紅燭情知不自
由細絲斜結網爭奈眼相鈎三又楊柳枝詞云井底點燈深燭伊共郎長行
莫圓碁玲瓏骰子安紅豈入骨相思知不知

龍子猶掛枝兒本此

周德華劉採春女也每當春時喜獨行郊外或見楊柳垂垂則採其枝結為同
心隨流水放之每放一枝則歌云碧玉裝成一樹高萬條垂下綠絲絛不知
細葉誰裁出二月春風是剪刀

李羣玉善吹笙風情自愛偶於杜丞相筵中見一美人作詩云裙拖六幅湘江
水髻挽巫山一段雲貌態祇應天上有歌聲豈合世間聞胸前瑞雪燈斜照

眼底桃花酒半醺綠綺隔簾挑不得春風空負卓文君

舊云不是相如能賦客肯教容易見文君無味

盧園少丞別豐也類廢已久曾有題詩亭上云水國微茫障石墉盧家少婦此遺踪千株柳色拋金縷一片波光想玉容春作情根流不斷花將淚眼結成慵愁心惜別知何許江上青青十二峯又有題云兩年歡會夢魂中聚散人間似轉蓬歲月有情催去雁關河無信寄來鴻劍沉延浦光難合瑟鼓相靈調未工萬里相思何處是夕陽疎影楚雲東

李羣玉歸洛陽經二妃廟題詩云小孤州北浦雲邊二女明妝尚儼然野廟向江春寂寂古碑無字草芊芊東風近墓吹芳芷落日深山哭杜鵑猶是含顰望巡狩九疑如黛隔湘川

澄江旅館壁上有詩云美人在時花滿堂美人去後留空床床上繡衾閑不寢至今三載猶餘香香亦竟不減人亦竟不來相思復相憶白露濕蒼苔

張泌為后主內史才艷動人作江城子詞云碧闌干外小中庭雨初晴曉鶯聲飛絮落花時節近清明睡起捲簾無一事匀面了沒心情又浣花溪上見卿卿眼波明黛眉輕高綰綠雲低簇小蜻蜓好是問他來得麼和笑道莫多情

李端叔有贈人詩云通中玉冷夢偏長花影籠堦月浸涼挽斷羅巾留不住覺
來猶有去時香又情隨榆莢不勝飄心似揚花暖欲消擬借瓊林大盈庫約
君孤注賭妖燒

歐陽脩嘗有小詞云江南柳葉小未成陰人為絲輕那忍折鶯憐枝嫩不勝吟
留取待春深十四五開抱琵琶尋堂上簾錢堂下走恁時相見已關心何況
到如今

文忠此詞幾為終身之累雖然忠孝廉節俱從情字做出此詞安足累公
哉

王觀踏青郊外過望湖亭題踏青詞云調雨為酥催冰做水東君分付春還何
人便將輕暖點破殘寒結伴踏青去好平頭鞋子小雙鸞烟郊外望中秀色
如有無間晴則箇陰則箇餽飭得天氣有許多般須教鏤花撥柳爭要先看
不道吳綾繡襪香咒斜沁幾行斑東風巧盡收翠綠吹在眉山

邵鴻舉閒居雜題詩云晴日園林放好春館娃宮裏拾香塵癡心未了鴛鴦債
宿命多慚鸚鵡身柳愛風流因病睡鵲貪歡喜也嗔人桃花不識潘郎去又
逐東君一面新又寄情云畫憐芳草宵憐月無限離愁只夢傳最是蛩聲聽